

**ÁKVÖRÐUN SAMEIGINLEGU EES-NEFNDARINNAR
nr. 61/2012****2012/EES/43/28****frá 30. mars 2012****um breytingu á XIII. viðauka (Flutningastarfsemi) og bókun 37 við EES-samninginn**

SAMEIGINLEGA EES-NEFNDIN HEFUR TEKID NEÐANGREINDA ÁKVÖRÐUN

með vísan til samningsins um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist „samningurinn“ í því sem hér fer á eftir, einkum ákvæða 98. og 101. gr.,

og að teknu tilliti til eftirfarandi:

- 1) XIII. viðauka við samninginn var breytt með ákvörðun sameiginlegu EES-nefndarinnar nr. 27/2012 frá 10. febrúar 2012 ⁽¹⁾.
- 2) Bókun 37 við samninginn var breytt með ákvörðun sameiginlegu EES-nefndarinnar nr. 104/2011 frá 30. september 2011 ⁽²⁾.
- 3) Fella ber inn í samninginn ákvörðun framkvæmdastjórnarinnar 2009/584/EB frá 31. júlí 2009 um skipun stýrihóps háttsettra embættismanna um rafrænt tilkynningakerfi í Bandalaginu um skipakomur (SafeSeaNet) ⁽³⁾.
- 4) Til þess að tryggja góða framkvæmd samningsins er rétt að breyta bókun 37 við samninginn þannig að hún taki til stýrihóps háttsettra embættismanna um SafeSeaNet sem var skipaður samkvæmt ákvörðun 2009/584/EB, og breyta XIII. viðauka þannig að fram komi hvaða málsmeðferð ræður samskiptum við þann hóp.

ÁKVÖRÐUNIN ER SVOHLJÓÐANDI:

1. gr.

Eftirfarandi bætist við á eftir lið 55aa (felldur brott) í XIII. viðauka við samninginn:

„55ab. **32009 D 0584**: Ákvörðun framkvæmdastjórnarinnar 2009/584/EB frá 31. júlí 2009 um skipun stýrihóps háttsettra embættismanna um rafrænt tilkynningakerfi í Bandalaginu um skipakomur (SafeSeaNet) (Stjtið. ESB L 201, 1.8.2009, bls. 63).

Tilhögun samstarfs við EFTA-ríkin í samræmi við 101. gr. samningsins:

Hverju EFTA-ríki er heimilt, í samræmi við ákvæði 3. gr. ákvörðunar 2009/584/EB, að tilnefna áheyrnarfulltrúa til setu á fundum stýrihóps háttsettra embættismanna um SafeSeaNet.“

2. gr.

Eftirfarandi liður bætist við í bókun 37 (með skrá sem kveðið er á um í 101. gr.) við samninginn:

„34. Stýrihópur háttsettra embættismanna um SafeSeaNet (ákvörðun framkvæmdastjórnarinnar 2009/584/EB).“

3. gr.

Íslenskur og norskur texti ákvörðunar 2009/584/EB, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

4. gr.

Ákvörðun þessi öðlast gildi 1. maí 2012, að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni ^(*), eða gildistökudag ákvörðunar sameiginlegu EES-nefndarinnar nr. 59/2012 frá 30. mars 2012 ⁽⁴⁾, hvort sem ber upp síðar.

⁽¹⁾ Stjtið. ESB L 161, 21.6.2012, bls. 33, og EES-viðbætur við Stjtið. ESB nr. 34, 21.6.2012, bls. 39.

⁽²⁾ Stjtið. ESB L 318, 1.12.2011, bls. 42, og EES-viðbætur við Stjtið. ESB nr. 65, 1.12.2011, bls. 15.

⁽³⁾ Stjtið. ESB L 201, 1.8.2009, bls. 63.

^(*) Engin stjórnskipuleg skilyrði gefin til kynna.

⁽⁴⁾ Stjtið. ESB L 207, 2.8.2012, bls. 39, og EES-viðbætur við Stjtið. ESB nr. 43, 2.8.2012, bls. 47.

5. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 30. mars 2012.

Fyrir hönd sameiginlegu EES-nefndarinnar

Gianluca Grippa

starfandi formaður.